

PROMOTORNAN Y RADIONAN KIER PA MINISTRO BEKE PARA DESAROYONAN DEN ENTERTAINMENT CENTER



ORANJESTAD(AAN): Ayera atradi den oficina di SAC na Dakota, tabata tin un reunion di urgencia entre promotornan y radio emisoranan, cu ta contra desaroyonan cu ta

tumando lugar den Entertainment Center.

Mayoria radio Emisoranan y Promotornan ta haya cu no mester cambia Entertainment Center di un forma, cu den futuro no ta posibel mas pa

tene eventonan musical den e localidad aki.

Den pasado tabata tin masha hopi problema cu Entertainment Center, debi cu esnan cu ta biba den vecin-

dario tabata haya molester di sonido demasiado duro.

Un grupo di protesta a worde lanta y te hasta den Corte e caso di molester di sonido mester a worde trata, pa asina Huez trese un solucion rapido.

Huez a dicta sentencia y a bisa cu tur hende cu tene evento den Entertainment Center, no ta worde permiti pa pasa un cierto nivel di Decibel y tambe cu e evento no por sigi tuma lugar mas tarda cu 12.00 anochi.

Na diferente ocasion ambos stipulacion a worde viola pasobra nivel di Decibel a pasa riba 100 y eventonan musical a sigi despues di 12.00 anochi.

Habitantenan a bolbe bay Huez y Huez a duna nan razon y ta pesey Gobierno a dicidi di para tur actividad musical den Entertainment Center, pa evita cu daño y perhuicio di miles sino mision mester worde paga na habitantenan cu ta keda gana nan caso den Corte contra EC.

Awor cu carnaval a caba di tuma lugar, tur hende a bin realisa cu no tin un lugar mas adecuado cu Entertainment Center pa tene actividadnan musical, pasobra no tin otro lugar asina na Aruba.

Promotornan y radio emi-

soranan a bin haya sa cu trabanonan di reconstruccion di cierto partinan di Entertainment Center ta tumando lugar y te hasta a worde bisa cu lo bin un piscina olimpico den EC.

"Si un piscina olimpico worde traha den EC anto e ora ey si no tin posibilidad mas pa tene eventonan musical den EC" segun esnan cu a lanta e comision Pro Entertainment Center ayera atardi.

Ideanan a worde lanza pa pone un dak riba EC pero esaki ta bay costa hopi pero hopi placa y e pregunta ta keda si esaki financieramente por worde realisa.

For di Departamento di Ministro Beke, DIARIO a haya informacion cu oficianan pa organisacionnan deportivo a worde traha den EC y esaki ta e cambionan directo cu por a worde nota durante e dianan cu a pasa.

Ministro Beke mes no ta na altura cu piscina olimpico ta worde traha den EC pasobra te cu ayera su persona no a worde poni na altura di tal movicion den Entertainment Center.

Comision Pro Entertainment Center lo entrega awe mainta un carta di protesta na Ministro Beke, pa lora ta trata e cambionan cu ta tumando lugar den EC.

MINISTER RITZEN DI BISHITA CERCA MINISTER CROES

ORANJESTAD(AAN) -- Awe e Ministro di Educacion, Cultura y Ciencia di Hulanda, dr.ir. J.Ritzen lo cuminsa cu su promer bishita oficial.

E bishita aki ta den cuadro di e acuerdo entre Aruba y Hulanda pa tene contactonan mas directo entre Ministronan di e dos paisnan. Minister Ritzen lo tene combersacion cu diferente Minister di Aruba y lo haci bishita na diferente proyecto y lugar historico durante di e dos dianan na Aruba.

En especial e combersacionnan cu Minister di Enseñanza y Labor, mr. Eddy Croes, y cu Minister di Salubridad Publico, Asuntonan Social y Cultura, docter Lili Beke - Martinez ta importante pa e cooperacion entre e dos paisnan den futuro ariba terenonan relevante.

Hunto cu e bishita di Minister Ritzen tin un delegacion di Ministerio di Educacion, Cultura y Ciencia di Hulanda na Aruba. E combersacionnan di e delegacion aki y di Ministernan lo mester conduci finalmente na acuerdonan pa un cooperacion mas estrecho y mas concreto ariba ter-

enonan di enseñanza, cultura y ciencia entre Antiyas Hulanandes, Hulanda y Aruba.

E programa di bishita di Minister Ritzen lo cuminsa awe mainta cu un bishita cerca Gobernador di Aruba, mr. Olindo Koolman. Despues Minister Ritzen lo worde ricibi door di Promer Ministro Henny Eman den su despacho pa despues reuni cu henter Consejo di Minister di Aruba ariba asuntonan cu ta encera entre otro un cooperacion mas estrecho cu Hulanda ariba tereno di enseñanza y reconocemento mutuo di diplomanan di estudio academico (HBO/WO). Rond di merdia lo bishita ir. Cesare Terzano MTS y Universidad di Aruba. Den ora di atardi lo haci un recorrido rond Aruba pa clausura e dia cu un recepcion den e edificio renova di Instituto di Cultura.

Di aranzon lo bishita algun school. Despues di e lunch ofreci door di Minister Lili Beke Martinez lo bishita e edificio di Ecury na Playa y e pinturanan historico di indjanan na Arikok. Señora Ritzen cu ta acompaña Ministro Ritzen durante di e bishita aki, lo tin un pro-

grama special pa cera conoci cu nos isla. E lo worde acompaña pa sra. Freda Croes Rodriguez y miembronan di staff di Ministerio di Enseñanza y Labor.

Amc. Unicon

**De specialist in
Airconditioning**



Wegens verdere uitbreiding van onze activiteiten in de Installatie-, Reparatie- en Service Afdeling is er een plaatsing mogelijkheid op onze Airco Afdeling voor een:
"Aankomende Koelmonteurs / Helpers"

Vereisten:

- Rijbewijs
- T-stroom / A-stroom met koeltechniek

Geboden wordt:

- Een afwisselende en interessante functie met doorgroei mogelijkheden
- Een aantrekkelijk salaris
- Goede sociale voorzieningen
- De mogelijkheid tot verdere studie
- Een prettige werkomgeving

Geïnteresseerden kunnen persoonlijk solliciteren op ons kantoor op de Hoek van de Anasa- en Tomatenstraat na telefonisch een afspraak gemaakt te hebben met Dhr. J. Nicolaas, Tel: 23555.